



مجلس ائام اسلام دان عادة استعادة ملايو كلتن



KHUTBAH HARI RAYA AIDILFITRI
1442H/2021M
TARIKH BACAAN :
1 Syawal 1442H/13 Mei 2021M

السلام عليكم ورحمة الله وبركاته

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ

لَا إِلَهَ إِلَّا اللَّهُ وَاللَّهُ أَكْبَرُ، اللَّهُ أَكْبَرُ وَلِلَّهِ الْحَمْدُ

اللَّهُ أَكْبَرُ كَبِيرًا وَالْحَمْدُ لِلَّهِ كَثِيرًا، وَسُبْحَانَ اللَّهِ بُكْرَةً وَأَصِيلًا.

لَا إِلَهَ إِلَّا اللَّهُ وَحْدَهُ، صَدَقَ وَعْدُهُ، وَنَصَرَ عَبْدَهُ

وَأَعَزَّ جُنْدَهُ، وَهَزَمَ الْأَحْزَابَ وَحْدَهُ.

لَا إِلَهَ إِلَّا اللَّهُ وَلَا نَعْبُدُ إِلَّا إِيَّاهُ مُخْلِصِينَ لَهُ الدِّينَ وَلَوْ كَرِهَ الْكَافِرُونَ.

الْحَمْدُ لِلَّهِ الَّذِي جَعَلَ عِيدَ الْفِطْرِ ضِيافَةً وَفَرَحَةً وَنَصَرَنَا مِنْ قَهْرِ الْأَعْدَاءِ

الْكَافِرِينَ.

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهَدُ أَنَّ سَيِّدَنَا وَنَبِيَّنَا

مُحَمَّدًا عَبْدُهُ وَرَسُولُهُ صَادِقُ الْوَعْدِ الْأَمِينِ.

اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ أَجْمَعِينَ.

أَمَّا بَعْدُ : فَيَا عِبَادَ اللَّهِ وَيَا أَيُّهَا الْحَاضِرُونَ! اتَّقُوا اللَّهَ

أَوْصِيكُمْ وَنَفْسِي بِتَقْوَى اللَّهِ، فَقَدْ فَازَ الْمُتَّقُونَ.

أَعُوذُ بِاللَّهِ مِنَ الشَّيْطَانِ الرَّجِيمِ

وَلِتُكْمِلُوا الْعِدَّةَ وَلِتُكَبِّرُوا اللَّهَ عَلَىٰ مَا هَدَيْنَاكُمْ وَلَعَلَّكُمْ تَشْكُرُونَ ﴿١٨٥﴾

Ertinya : Dan supaya kamu cukupkan bilangan puasa (sebulan Ramadan), dan supaya kamu membesarkan Allah kerana mendapat petunjukNya, dan supaya kamu bersyukur.

(Surah Al-Baqarah : 185)

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، وَلِلَّهِ الْحَمْدُ.

مسلمين مسلمات رحمكم الله.

Alhamdulillah, pada pagi ini sekali lagi kita dapat berhimpun dalam Jemaah yang besar dalam rumah Allah ini untuk kita memperbaharui ikrar diri kita sebagai insan beriman, insan baharu yang telah menjalani servis selama sebulan dalam bulan Ramadan yang penuh keberkatan. Sebulan lamanya telah dibakar hangus segala dosa yang pernah dilakukan baik yang disedari ataupun yang tidak disedari.

Alhamdulillah pada pagi ini, kita dapat kumandangkan Takbir, Tahmid dan Tahlil walaupun kita masih dalam ujian musibah COVID-19.

Hati kita sungguh terharu pada pagi begini. Antara rasa sedih dan gembira, rasa sedih menyelubungi perasaan kita kerana terpaksa berpisah lagi dengan Ramadan yang penuh keberkatan. Rasa sedih kerana kita masih berdepan dengan musibah COVID-19 yang telah memberi kesan kepada kehidupan kita samada dalam sektor ekonomi, sosial, pelajaran dan pendidikan anak-anak kita, malah yang sangat-sangat terasa dan

terkesan ialah aktiviti keagamaan terpaksa digantung dan ditangguhkan.

Kita sedih bila mengenangkan kepada ibu bapa kita, sudah tiada lagi di dunia ini. Tahun lepas sahabat-sahabat kita, teman-teman kita, jiran-jiran kita, kawan karib dan ahli Jemaah masjid yang sembahyang bersama kita masih ada tetapi sekarang mereka sudah kembali ke Rahmatullah. Kalaupun masih ada, belum mati tetapi kini sudah terkulai lemah, tidak berdaya kerana diserang pelbagai penyakit.

Di kesempatan ini, kita mohon doa ke hadrat Allah SWT agar memberikan ketabahan, kesabaran dalam mengharungi musibah, menghadapi cubaan, ujian dengan pelbagai derita. Kepada mereka yang telah mendahului kita ke Rahmatullah, kita doakan semoga Allah mencucuri Rahmat dan menempatkan mereka di tempat yang baik bersama-sama orang-orang yang soleh.

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، وَلِلَّهِ الْحَمْدُ.

إخواني المسلمين والمسلمات يثد رحمة الله.

Hati kita gembira meskipun telah berpisah dengan Ramadan kerana kita kembali menjadi insan fitrah, atau insan suci dan bersih daripada noda yang bernama dosa.

Kita gembira di hari raya begini kerana kita dapat saling merapatkan hubungan silaturahmi dan kita saling meminta dan memberi maaf. Amalan sebegini mencerminkan kita mempunyai akhlak yang luhur. Seperti yang dikehendaki Allah, kita mengamalkan firman Allah :

الَّذِينَ يُنْفِقُونَ فِي السَّرَّاءِ وَالضَّرَّاءِ وَالْكِبْرِيَاءِ وَالْغَيْظِ وَالْعَافِينَ عَنِ النَّاسِ وَاللَّهُ

مُحِبُّ الْمُحْسِنِينَ ﴿١٣٤﴾

Ertinya : Iaitu orang-orang yang mendermakan hartanya pada masa senang dan susah, dan orang-orang yang menahan kemarahannya, dan orang-orang yang memaafkan kesalahan orang. dan (ingatlah), Allah mengasihi orang-orang yang berbuat perkara-perkara yang baik.

(Surah Ali Imran : 134)

Sesudah kita berpuasa sebulan, kita bergembira kerana berjaya menjadi orang yang bertaqwa. Menjadi golongan "Muttaqin", iaitu orang yang memiliki pengawasan diri, yang mampu mengatur diri dengan kekuatan iman, keterikatan diri dengan ajaran agama, mempunyai disiplin yang tinggi, taat kepada suruhan dan perintah Allah, patuh kepada semua bentuk larangan Allah.

Kita laksanakan puasa kerana ia adalah perintah Allah. Kita dapat menahan diri daripada melakukan apa juga bentuk larangan Allah. Persoalan yang timbul, mengapa Allah membuat aturan di antara kebebasan dan larangan?

Sesungguhnya kebebasan yang sebenar ialah kebebasan yang bertanggungjawab, bukan kebebasan yang tidak bertanggungjawab, bukan kebebasan tanpa batas.

Kebebasan tanpa batasan boleh mengundang kepada kekacauan dan huru-hara. Kebebasan yang sebenar memerlukan batasan dan bentuk larangan. Kita

berpuasa adalah cerminan kebebasan, bersama kebebasan berpuasa kita patuh kepada larangan.

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، وَلِلَّهِ الْحَمْدُ.

مسلمين دان مسلمات يثدرحمة الله.

Pada kesempatan kita menyambut Aidilfitri ini, marilah kita bermuhasabah melihat kedudukan umat Islam. Dalam Al-Quran istilah "**Ummah**" boleh dilihat pelbagai pengertian. Umat Islam dipanggil dengan panggilan "**Ummah Wasatiah**", "**Khairu Ummah**" dan "**Ummah Wahidah**".

Daripada tiga gelaran ini boleh disimpulkan bahawa umat Islam adalah umat yang unggul, umat yang sederhana, umat yang bersatu.

Kesatuan ummah "**Ummah Wahidah**" merupakan masalah yang sangat penting kepada bangsa dan negara. Perpaduan ummah adalah satu agenda pokok, agenda besar ajaran agama. Berpegang teguh dengan ajaran agama adalah asas perpaduan.

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، وَلِلَّهِ الْحَمْدُ.

Allah telah metakdirkan kita umat Islam menjadi umat pilihan "**Ummah Wasatiah**" sebaik-baik umat "**Khairu Ummah**" dan "**Ummah Wahidah**" yang bersatu berpadu, berpegang teguh dengan agama yang paling benar yang diiktiraf di sisi Allah.

Siapa pun yang mempelajari sejarah dan sikap jujur pasti kagum dengan harga diri umat Islam. Umat Islam

tampil sebagai umat yang kuat berwibawa. Dunia Islam menunjukkan dinamik hidup yang sihat dengan kekuatan ekonomi, pertumbuhan ilmuan yang membawa perubahan dan kemajuan masyarakat.

Di tengah-tengah keriangannya kita menghitung gelaran umat Islam, kehebatan Islam, kita dikecewakan oleh gejala kelembapan umat Islam menangani masalah-masalah yang dihadapi. Umat Islam pada masa ini terpaksa berhadapan dengan pelbagai persoalan berupa keterbelakangan sosial, ekonomi, cara berfikir, capaian ilmu dan teknologi. Kedudukan keterbelakangan umat Islam semakin diperburukkan oleh adanya perpecahan dalam tubuh umat Islam. Umat Islam dilaga-lagakan, diadu domba oleh mereka yang tidak senang melihat kemajuan umat Islam. Mereka merasa gembira dan senang hati melihat umat Islam terus berpecah belah. Mereka terus menerus berusaha, mengatur strategi untuk memporak-perandakan kedudukan umat Islam.

Namun demikian, betapa pun mereka, musuh-musuh Islam berusaha menghancurkan perpaduan, harga diri umat Islam. Pintu utama bagi tampil, pulih kedudukan harga diri umat Islam sangat bergantung kepada diri umat Islam itu sendiri.

Pelbagai bentuk kekuatan, kemuliaan, seperti kemenangan, kemajuan, perpaduan dan sebagainya terletak pada jati diri, keberagamaan umat Islam, pada lltizam, komitmen yang tinggi, teguh terhadap ajaran-ajaran agama. Inilah daya kekuatan umat Islam untuk mencapai kedudukan martabat yang tinggi seperti dijanjikan Al-Quran :

وَلِلَّهِ الْعِزَّةُ وَلِرَسُولِهِ وَلِلْمُؤْمِنِينَ وَلَكِنَّ الْمُنَافِقِينَ لَا يَعْلَمُونَ ﴿٨﴾

Ertinya : Padahal bagi Allah jualah kemuliaan dan kekuatan itu dan bagi RasulNya serta bagi orang-orang yang beriman, akan tetapi golongan yang munafik itu tidak mengetahui (hakikat yang sebenarnya).

(Surah Al-Munafikun : 8)

أَعُوذُ بِاللَّهِ مِنَ الشَّيْطَانِ الرَّجِيمِ

﴿١٠﴾ إِنَّمَا الْمُؤْمِنُونَ إِخْوَةٌ فَأَصْلِحُوا بَيْنَ أَخَوَيْكُمْ وَاتَّقُوا اللَّهَ لَعَلَّكُمْ تُرْحَمُونَ ﴿١٠﴾

Ertinya : Sesungguhnya dan sebenarnya orang-orang yang beriman itu adalah bersaudara, maka damaikanlah di antara dua saudara kamu (yang berpecah) dan bertaqwalah kepada Allah supaya kamu beroleh rahmat.

(Surah Al-Hujurat : 10)

جَعَلْنَا اللَّهُ وَإِيَّاكُمْ مِنَ الْعَائِدِينَ وَالْفَائِزِينَ وَالْمَقْبُولِينَ وَأَدْخَلْنَا وَإِيَّاكُمْ فِي زُمْرَةِ عِبَادِهِ الصَّالِحِينَ.

خطبة كدوا

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ،
اللَّهُ أَكْبَرُ،

اللَّهُ أَكْبَرُ كَبِيرًا وَالْحَمْدُ لِلَّهِ كَثِيرًا وَسُبْحَانَ اللَّهِ بُكْرَةً وَأَصِيلًا لَا إِلَهَ
إِلَّا اللَّهُ هُوَ اللَّهُ أَكْبَرُ، اللَّهُ أَكْبَرُ وَلِلَّهِ الْحَمْدُ.

الْحَمْدُ لِلَّهِ رَبِّ الْعَالَمِينَ، حَمْدًا كَثِيرًا طَيِّبًا مُبَارَكًا فِيهِ عَلَى كُلِّ حَالٍ،
أَشْهَدُ أَنْ لَا إِلَهَ إِلَّا اللَّهُ، وَأَشْهَدُ أَنَّ مُحَمَّدًا رَسُولُ اللَّهِ لَأَنبِيَّ بَعْدَهُ. اللَّهُمَّ
صَلِّ وَسَلِّمْ عَلَى النَّبِيِّ الْكَرِيمِ وَالرَّسُولِ الْعَظِيمِ سَيِّدِنَا وَحَبِيبِنَا مُحَمَّدٍ وَعَلَى
آلِهِ وَمَنْ أَحَبَّهُ.

أَمَّا بَعْدُ : فَيَا أَيُّهَا الْمُسْلِمُونَ! اتَّقُوا اللَّهَ أَوْصِيكُمْ وَإِيَّايَ بِتَقْوَى اللَّهِ
فَقَدْ فَازَ الْمُتَّقُونَ.

اللَّهُمَّ اجْعَلْ يَوْمَنَا خَيْرًا مِنْ أَمْسِنَا، وَاجْعَلْ غَدَنَا خَيْرًا مِنْ يَوْمِنَا،
وَأَحْسِنْ عَاقِبَتَنَا فِي الْأُمُورِ كُلِّهَا، وَأَجِرْنَا مِنْ خِزْيِ الدُّنْيَا وَعَذَابِ الآخِرَةِ.
اللَّهُمَّ اجْعَلْ خَيْرَ أَعْمَالِنَا أَوَاخِرَهَا، وَخَيْرَ أَعْمَالِنَا حَوَاتِيمَهَا وَخَيْرَ أَيَّامِنَا
يَوْمَ نَلْقَاكَ.

اللَّهُمَّ ادْفَعْ عَنَّا الْغَلَاءَ وَالْبَلَاءَ وَالْوَبَاءَ وَالزَّلَازِلَ وَالْمِحْنَ وَسُوءَ الْفِتَنِ
مَا ظَهَرَ مِنْهَا وَمَا بَطَّنَ. اللَّهُمَّ اجْعَلْ هَذَا الْبَلَدَ آمِنًا مُطْمَئِنًّا سَخَاءَ رِخَاءَ
وَسَائِرَ بِلَادِ الْمُسْلِمِينَ.

اللَّهُمَّ إِنَّا نَسْأَلُكَ أَنْ تَحْفَظَ بَعَيْنِ عِنَايَتِكَ الرَّبَّانِيَّةَ، وَتَحْفَظَ بِحِفْظِ وَقَايَتِكَ
الصَّمَدَانِيَّةَ مَلِكَنَا السُّلْطَانَ سُلْطَانَ مُحَمَّدٍ كَلِيمِ، سُلْطَانَ لِيُولَايَةِ كَلَنْتَانَ
دَارِ النَّعِيمِ. اللَّهُمَّ احْفَظْهُ فِي نَفْسِهِ وَأَهْلِهِ وَقَرَابَتِهِ. اللَّهُمَّ أَطِلْ عُمُرَهُ مُصْلِحًا
لِلرَّعِيَّةِ وَالْبِلَادِ،

وَوَفَّقْنَا اللَّهُ وَإِيَّاكُمْ لِكُلِّ فِعْلٍ حَمِيدٍ، وَأَعَادَ عَلَيْنَا وَعَلَيْكُمْ مِنْ بَرَكَاتِ هَذَا
الْيَوْمِ السَّعِيدِ، وَأَدْخَلْنَا وَإِيَّاكُمْ الْجَنَّةَ مَعَ الْفَائِزِينَ الَّذِينَ دَعَوَاهُمْ فِيهَا سَلَامًا
وَآخِرُ دَعْوَاهُمْ أَنْ الْحَمْدُ لِلَّهِ رَبِّ الْعَالَمِينَ.

Disediakan oleh :

Panel Khutbah Majlis Agama Islam Dan Adat Istiadat Melayu Kelantan

(sila layari : www.e-maik.my)